

SCRIPT OF EVENING GOJRI NEWS BULLETIN 8FEB 2025

1700HRS

اوننگ گوجری نیوز بولیٹن 8 فروری 2025

یوہ آکاشوانی جموں بے نصرت تے اظہر حسین تیں خبر سُنو۔

HEADLINES

- ۱۔ وزیر اعلیٰ عمر عبداللہ نے صنعت سیاحت تے تعلیم واسطے حکمت عملی غی تشکیل واسطے بجٹ تیں پہلاں مشاورت کی۔
- ۲۔ وزیر اعلیٰ عمر عبداللہ نے لداخ تیں اچھا تعلقات گو یقین دوايو تے جموں کشمیر مانہ لداخ غا لوکاں غی پریشائیاں نانہ دور کرن غی گل کہی۔
- ۳۔ وزیر تعلیم سکینہ اتو نے مرکزی مشاورتی کمیٹی غا اجلاس مانہ شرکت کی تے جموں کشمیر مانہ پسماندہ برادریاں گی بہتری مانہ پی ایم اے جے اے وائی غا کردار نانہ اُجاگر کیو۔
- ۴۔ مرکز نے ساکشم آنگن واڑی تے پوشن ۲ اشاریہ صفر غے تحت جموں کشمیر مانہ ۳ سو ۸۳ آنگن واڑی مرکزوں نانہ بہتر بنان غی اجازت دتی۔

CM PRE BUDGET

وزیر اعلیٰ عمر عبداللہ نے آئندہ بجٹ غی تشکیل غا سلسلہ مانہ صنعت سیاحت تے تعلیم گا شعوباں گا شراکت داراں غے نال مشاورت کی اس مشاورتاں غو مقصد اہم مسالاں نانہ حل کرنو تے بجٹ مانہ خطہ غی ضروریات نانہ شامل کرنو ہے۔ اہم موضوعات مانہ جموں نانہ مزببی تے مزاراں غی سیاحت نانہ ایک مرکز گا طور ور فروغ دینو تجارتی حکمت عملی مانہ بہتری صنعتی ترقی نانہ فروغ دینو تے کھیداں غا بنیادی ڈھانچہ نانہ مضبوط کرنو شامل ہے۔ وزیر اعلیٰ نے کہیو بجٹ نانہ مختلف شعوباں غے مطابق ہونو چاہیے۔ تانجے پائیدار ترقی نانہ یقینی بنایو جاسکے اس موقع ور گل کرتا واں وزیر اعلیٰ عمر عبداللہ نے اس طرح کہیو۔

CM LAHDC

وزیر اعلیٰ عمر عبداللہ نے اج ایک اہم میٹنگ غی سدارت کی جس مانہ لداخ غا خودمختار پہاڑی ترقیاتی کونسل کارگل غا ایک وفد نے شرکی کی میٹنگ خاص طور ور جموں کشمیر مانہ رہن آلا لداخ غا لوکاں گا مسالاں ور ہونی جنمانہ صحت تعلیم تے ضروری سہولیات شامل تھیں۔ اس میٹنگ مانہ نائب وزیر اعلیٰ سوریندر چودھری وزیر جاوید احمد رانا تے دیگر اعلیٰ افسران وی موجود تھا۔ مختلف مسائل ور گل بات ہونی جسراں کہ طلباء غی تعلیم مریضان واسطے سہولیات تے ضروری خدمات وفد نے وزیر اعلیٰ گو شکریو ادا کیو کیونجے انہاں نے ان گا مسائل گا حل واسطے قدم چایو ہے۔

SAKINA ITOO MEET

پسماندہ طبقات گی مدد واسطے ایک اہم قدم مانہ صحت تے اعلیٰ تعلیم غی وزیر محترمہ سکینہ اتو نے اج دہلی مانہ مرکزی مشاورتی کمیٹی غی ایک اعلیٰ سطحی میٹنگ مانہ شرکت کی میٹنگ مانہ پردھمان منتری انو سوچت جاتی ابھیودے یوجنا ور توجہ مرکوز کی گئی۔ جس

مانہہ صحت کی سکیمیں سماجی بہبود کا اقدامات تے سکیم غے تحت تعلیمی اصلاحات غے متعلق اہم گل بات ہوئی۔ اس موقع ور وزیر نے پسماندہ طبقات کی فلاح و بہبود نانہہ بدھان مانہہ پردھان منتری انو سوچت جاتی بودیے یوجنا غی اہمیت نانہہ اُجاگر کیو تے جموں کشمیر مانہہ پسماندہ طبقات کی ترقی واسطے سرکار کا عزم غو اعدو کیو۔

LAL DRAMAN WINTER FEST

ڈوڈھ انتظامیہ نے اج لعل درمن سرمائی میلہ غی میزبانی کی جس مانہہ ہزاراں غی تعداد مانہہ لوکاں نے شرکت کی یوہ میلو ضلع انتظامیہ دوڈھ محکمہ سیاحت تے ایک مقامی غیر سرکاری تنظیم تیجس ایک پہل کا اشتراک تیں منعقد کیو گیو۔ اس میلہ مانہہ ثقافتی سرگرمی دلچسپ برفانی ویڈیو تے مہماتی کھیڈ جسران کہ سکینگ تے پہاڑی رستاں ور پیدل سفر شامل تھو۔ مقامی ہنر منداناں نے اپنی دستکاری پیش کی تے سیاحاں نے علاقائی کھیداں تیں لطف چایونائب کمشنر ڈوڈھ نے اس میلہ غی اہمیت نانہہ اُجاگر کرتا واں کہیو کہ یوہ میلو لعل درمن غ اکاروباریاں غے نال نال ماحولیاتی سیاحت نانہہ وی فروغ دے غو۔ اس میلہ کا سلسلہ مانہہ ایک مقامی شخص نے اس طرح کہیو۔

HERBAL GARDEN PROJECT

جموں کشمیر مانہہ ایک اہم پیش رفت غ اطور ور پچھلا ۲ براں مانہہ ۳ جڑی بوٹیاں کا باغ غا منصوبہ دتا گیا ہیں جن غو مقصد علاقہ مانہہ طبی پوداں غی کاشت تے تحقیق نانہہ فروغ دینو ہے۔ وزیر مملکت برائے آیوش پرتاپ راہ جادو نے پارلیمان مانہہ اطلاع کیو کہ یوہ قدم روایتی طبی نظام نانہہ مضبوط کرے غو منتخب شدہ اداراں مانہہ سرکاری یونانی طبی کالج گاندربل اسلامی یونیورسٹی برائے سائنس و ٹیکنالوجی تے سرکاری کالج برائے تعلیم جموں شامل ہے۔ ان منصوباں واسطے کل ۷ کروڑ ۲۴ لکھ روپیہ مختص کیا گیا ہیں تے ۲ ہزار ۱۲ تیں مسلسل رقم غی فراہمی مانہہ اضافو ہوو ہے۔

ANGANWADI CENTRE

مرکزی سرکار نے مشن سکشم آنگن واڑی تے پوشن ۲ عشاریہ صفر غے تحت بہتر بنان واسطے جموں کشمیر مانہہ ۳ سو ۸۳ آنگن واڑی مراکز نانہہ منظوری دتی ہے۔ آکاشوانی جموں کا نامہ نگار نے اہلاع دتی ہے کہ بہتر شدہ سکشم آنگن واڑیاں مانہہ بچاں تے ماواں واسطے خدمات نانہہ بدھان مانہہ بچاں تے ماواں واسطے خدمات نا بدھان غے نال ایل ای ڈی سکرین پانی غی صفائی پوشن وٹیکا یعنی غزائیت غا باغات تے باقی تے سیکھن غو مواد پیش کیو جے غو۔ اس قدم غو مقصد غزائیت تے انتدانی نچپن غی دیکھ بھال غی خدمات نانہہ بہتر بناتو ہے۔ پورا ملک مانہہ ۲ لکھ آنگن واڑی مراکز نانہہ جدید بنایو جاریو ہے جس مانہہ ۵ سالان مانہہ ۵ ہزار نواں مراکز غی منصوبہ بندی کی گئی ہے تے سرکار نے تمام نکہ آنگن واڑیاں نانہہ مکمل مراکز مانہہ بہتر کرن غو حکم جاری کیو ہے۔

RESHAM KISSAN MELA

ریشم کسان میلہ مانہہ ریشم نانہہ فروغ دین واسطے ایک اہم پہل کا طور ور اج ادھمپور غا روایت بینکیٹ ہال مانہہ یاہ تقریب منعقد کرانی گئی۔ اس تقریب نانہہ مرکزی رشم غا بورڈ تے جموں کشمیر ریشم غی ترقی بارے محکمہ کا اشتراک تیں اس نانہہ منعقد کیو گیو اس غو افتتاح جموں کا ریشم دائریکٹر ایجاز احمد بھٹ تے ادھمپور غی نائب کمشنر سلونی رائے

نے کیو۔ تقریب مانہہ ادھمپور ضلع غاتقریاً ۳ سو ۵ ریشم غا کیڑا نانہہ پالن آلا کساناں نے شرکت کی۔ میلہ مانہہ مختلف نمائشی ٹھانچہ لایا گیا تانجے شرکاء نانہہ ریشم غی کاشت غی تکنیکاں تے سرکاری سکیمان گا بارا مانہہ معلومات فراہم کی جاسکے۔ جہیڑی کساناں غی فلا ح و بہبود واسطے شروع کی گئی۔ اس موقع ور آکاشوانی نیوز نال گل کرتا وان ادھمپور غی نائب کمشنر سلونی رائے نے اس طرح کہیو۔

ROAD RENOVATION REASI

سڑک رابطاں نانہہ بادھو دین واسطے ضلع ریاسی مانہہ جاری سڑک غی مرمت غو کم تیزی نال چل رہیو ہے۔ تاں نجے مقامی لوکاں تے سیاحاں واسطے سفر نانہہ آسان بنایو جاسکے۔ اس کلیدی منصوبہ مانہہ پونی شیو کھوڑی سڑک ہے جہیڑی مارچ ۲۰۲۵ تک مکمل ہو جے گی جس مانہہ قابل احترام شیو کھوڑی مزار تک جان مانہہ آسانی وے گی۔ اس ویلے ۲ سو کلو میٹر توں متی سڑکاں غو مرمت غو کم جاری ہے جس مانہہ معیار پائیداری تے ہر موسم غا رابطہ ور توجہ دتی گئی ہے آکاشوانی نیوز نال گل کرتا وان ایڈیشنل ضلع ترقیاتی کمشنر ریاسی سکریو سنگھ سمیال نے یقین دوايو کہ یوہ منصوبو ویلا ور مکمل ہو جائے غ و جس سنگ یاترہ تے مقامی معشیت دوباں نانہہ فائدو وے غو اُنہاں نے اس طرح کہیو۔

ANNOUNCEMENT

ریجنل نیوز یونٹ آکاشوانی جموں گی طرفوں ضلع کٹھوعہ واسطے عارضی نامہ نگاراں یعنی پی ٹی سی گو پینل بنان غی خاطر درخواست منگی گئی ہیں۔ مجوزہ پرفارمہ ور عارجی نامہ نگار غی پوسٹ مانہہ دلچسپی رکھن آلا ایسا امیدوار درخواست در سکیں گا جہیرا ضلع کٹھوعہ غا بسنیک وین تے اُن غی عمر غی حد ۲۲ براں تیں ۵ براں توڑی مقرر کی گئی ہے۔ پی ٹی سی غی اس پوسٹ واسطے تعلیمی قابلیت پی جی ڈپلومو یاہ صحافت غا شعبہ مانہہ ڈگری یاہ فر کسے وی تسلیم شدہ یونیورسٹی تیں گرجیشن غے ہمراہ ۲ براں غو صحافت مانہہ تجربو مقرر کی گئی ہے۔ اس توں علاوہ کمپیوٹر تے وڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری رکھیو گیو ہے عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے وے ضلع صدر دفتر کٹھوعہ یاہ اس تیں ۰۱ کلو میٹر غا دائیرہ غے اندر رہائش پزیر وے۔ اس سلسلہ مانہہ درخواست غی ہاڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات کود آئیندہ ۵۱ فروری توڑی دینی ویگی۔ اس بارے مزید جانکاری ویب سائٹ

ور دستیاب ہے۔ www.newsonair.gov.in

WATER CONSERVATION RALLY

پانی نانہہ بچان بارے شعور تے بیداری پیدا کرن واسطے ہماری دنیا پروگرام غے تحت ڈائریکٹر ہف سکول ایجوکیشن جموں تے پرتھم ایجوکیشن فائنڈیشن غا اشتراک سنگ ایک بڑی ریلی کڈی گئی جس مانہہ گورنمنٹ سیٹی ماڈل سکول ادھمپور غ اطلباء نے وی حصو لیو جہیڑی جے گول مارکیٹ تے رام نگر سمیت شہر غا بڑا علاقہ توں گزرتاں وان ٹاؤن ہال مانہہ اختتام پزیر ہوئی۔ اس دوران طلبا نے پانی بچان غا پیغامات تے پانی بچائیں تے زندگی بچائیں جیسا نعران ور مشتمل اشتہار اُتھا وی تھا تاں کہ عوام نانہہ اس اہم وسائل کا تحفظ واسطے اقدامات کرن غی ترغیب دتی جاسکے۔ آکاشوانی نیوز سنگ گل کرتا وان پرتھم ایجوکیشن فاؤنڈیشن ادھمپور غا انچارج نے اس طرح کہیو۔
